

四庫全書

集部

欽定四庫全書

集部

御定佩文齋詠物詩選卷八

七十四至八十五

詳校官侍郎_臣李封

主事銜_臣徐以坤覆勘

總校官檢討_臣何思鈞

校對官中書_臣王 璣

謄錄監生_臣黃奕遐

欽定四庫全書

御定佩文齋詠物詩選卷七十四

峰類

五言古

登太白峰

唐李白

西上太白峰夕陽窮登攀太白與我語為我開天闕
願乘冷風去直出浮雲間舉手可近月前行若無山一別
武功去何時復更還

送溫處士歸黃山白鵝峰舊居 李白

黃山四千仞三十二蓮峰丹崖夾石柱
崑崙崑崙金芙蓉伊昔昇絕頂下窺天
目松仙人鍊玉處羽化留餘蹤亦聞
溫伯雪獨往今相逢採秀辭五嶽攀
巖歷萬重歸休白鷺嶺渴飲丹砂井
鳳吹我時來雲車爾當整去去陵陽
東行行芳桂叢迴谿十六度碧嶂盡
晴空他日還相訪乘橋躡綵虹

紫閣峰

李白

紫閣連終南青冥天倪色憑崖望咸陽宮闕羅北極萬
井驚畫出九衢如弦直渭水清銀河橫天流不息

夢登太白峰

唐常建

夢寐升九崖杳靄逢元君攜我太白峰寥寥辭垢氛結
宇在霄漢宴林閉氤氲檐楹覆餘翠巾舄生片雲時往
谿谷間孤亭晝仍曛松峰引天影石瀨清霞文恬日緩
舟趣霽心投鳥羣春風又搖擢潭島花紛紛

第三峰

常建

西山第三頂茅宇依雙松杳杳欲至天雲梯昇幾重瑩
魄澄玉虛以求鸞鶴蹤逶迤非天人執節來赤龍旁映
白日光縹緲輕霞容孤輝上煙霧餘影明心胸願與黃
麒麟欲飛而莫從因寂清萬象輕雲自中峰山暝學棲
鳥月來隨暗蛩尋空靜餘響嫋嫋雲谿鐘

仙娥峰下作

唐白居易

我為東南行始登商山道商山無數峰最愛仙娥好參
差樹若挿匝雲如抱渴望寒玉泉杳聞紫芝草青巖

屏削碧白石牀鋪縞向無如此物安足留四皓感彼私
自問歸山何不早可能塵土中還隨衆人老

遊蘆峰分韻得盡字

宋朱子

蘆山一何高上上不可盡我行獨忘疲泉石有招引須
臾一蒙密矯首眺無畛已謂極崢嶸仰視猶隱嶙新齋
小休憩餘力更勉黽東峰切霄漢首夏正淒緊杖策同
攀躋極目散幽窘萬里仰連環千重瞰孤隼因知平生
懷未與塵累泯歸途採薇蕨晚餉雜蔬筍笑謂同來人

此願天所允獨往會淹留寒棲甘菌蠹山阿子慕予無
憂勒回軫

徑山五峰

宋應祖銘

堆蛛峰

天勢下凌霄坐使萬壑趨元氣結巒岫獻此大寶珠翊
殿護釋梵鼓鐘殷人區

大人峰

五髻生雲雨鎮踞何春容具此大人相題為大人峰偉

哉天地間萬象同擴充

鵬搏峰

峰勢來大鵬鼓此垂天翼培風本無待適茲造化力何須問天池在在六月息

宴坐峰

松杉太古色不別春與冬道人此宴坐一念萬劫融不特座燈王等了諸法空

朝陽峰

二儀開幽漠日月臨下土萬物麗高明此峰正當午堂
堂大聖人兩眼空寰宇

熊耳峰

元安熙

窮探不憚遠行登最高峰頓覺天宇近一洗羣山空奇
哉此絕境造化天無功神襟一以曠寫我浩蕩胸遠意
殊未極更思脫樊籠何當著神鞭駕此慵飛龍翩翩上
箕尾再見開鴻濛長嘯暮雲合輕衣振天風

飛來峰

明史鑑

久圖山澤遊苦為風雨款驚雷破重陰及晨光已顯透
迤入幽深厲揭渡清淺靈山傳飛來合澗互回轉羅垂
手可捫松高蓋惟偃陽厓丹霞凝陰洞蒼雪滿秀色如
何攬絕巘竟誰棧衆竅因風號羣芳遲春衍追念平生
歡歷歷如在眼匪無新相知已少舊遊伴老僧久見招
相攜集閒館解衣任盤礴覽物適蕭散形忘慮則消情
至心莫展寄言同懷人對酒歌勿緩

七言古

東峰歌

唐溫庭筠

錦礫潺湲玉谿水
曉來微雨藤花紫
冉冉山雞紅尾長
一聲樵斧驚飛起
松刺流空石差齒
煙香風軟人參蕊
陽崖一夢伴雲根
仙菌靈芝夢魂裏

五言律

題西峰

唐陳子昂

為愛西峰好
吟頭盡日昂
巖花紅作陣
谿水綠成行
終古礙新月
半山無夕陽
寄言嘉遯客
此處是仙鄉

中峰居喜見苗發

唐祖詠

自得中峰住深林亦閉關經秋無客到入夜有僧還暗澗泉聲小荒岡樹影閒高窗下可望星月滿空山

喜入蘭陵望紫閣峰呈宣上人

唐李益

雜草開三徑巢林喜一枝地寬留種竹泉淺欲開池紫閣當踈牖青松入短籬從今安僻陋蕭相是吾師

夏日登靈隱寺後峰

唐方干

絕頂無煩暑登臨三伏中深蘿難透日喬木更含風山
疊雲霞際川傾世界東那知茲夕興不與古人同

中峰

宋林逋

中峰一徑分盤折上幽雲夕照前邨見秋濤隔嶺聞長
松含古翠仙藥動微薰自愛蘇門嘯懷賢事不羣

次林擇之涼峰韻

宋朱子

解轡林間寺歸鴉晚欲盤望中嵐翠合愁外夕陽殘尊
酒何妨醉羈心且自寬無端滿窗月遶夜不勝寒

天柱峰

元張翥

一柱標南紀神功自斷鼇寒通岫嶺遠勢敵祝融高異
鳥流清響神燈見白毫危巔可觀日夜湧海東濤

五言排律

蓮花峰

唐劉得仁

太華萬餘重峇嶺只此峰當秋倚寥泖入望似芙蓉翠
拔千尋直青危一朵穠氣分毛女秀靈有羽人蹤倒影
侵關路香風激廟松塵埃終不及車馬自憧憧

七言律

萬安縣芙蓉峰

宋戴復古

凌空傑閣為誰開，隔岸芙蓉不用栽。
今古相傳彩雲現，江山曾識大蘇來。
酒邊歌舞共一笑，客裏登臨能幾回。
翠浪玉虹從此去，明朝人在鬱孤臺。

秋日登玉峰

宋徐璣

玉琢孤峰壓富沙，人行峰頂步雲霞。
谿流緩去幾回曲，樹色幽分無數家。
翠拂寒煙平似水，紅飄霜葉遠如花。

明朝重向城中望對此孤峰興轉賒

遊支硎南峰

元鄭元祐

詞客幽尋勝洞庭神僧名跡在支硎馬騎仄徑猶存石
鶴放巔崖尚有亭巖底泉飛輕練白峰頭龕蝕古苔青
到來頓醒紅塵夢萬樹松濤沸紫冥

遊南高峰

明王世貞

從遊指點南高峰躡屩攀蘿興不賒畫裏餘杭人賣酒
鏡中湖曲棹穿花千巖半出分秋雨一徑微明逗晚霞

最是夜歸幽絕處疎林燈火傍漁家

五言絕句

師子峰

明高啓

風生百獸低欲吼空山夜疑是天目巖飛來此山下

含暉峰

高啓

演漾弄晴暉江山秋斂霏我吟康樂句日暮澹忘歸

七言絕句

紫閣峰

唐邵靄

壯國山河倚空碧迴拔煙霞侵太白綠崖下視千萬尋
青天只據百餘尺

統漢峰下

唐李益

統漢峰西降戶營黃河戰骨擁長城只今已勒燕然石
此地無人空月明

題中峰

唐費冠卿

中峰高拄泐寥天上有茅菴與石泉晴景獵人曾望見
青藍色裏一僧禪

飛來峰

唐方干

邃巖喬木夏歲寒牀下雲谿枕上看臺殿漸多山更重
却令飛去即應難

石廩峰次敬夫韻

宋朱子

七十二峰都挿天一峰石廩舊名傳家家有廩高如許
大好人間快活年

次黃叔張宿涼峰韻

朱子

萬箇含跼天外秀婆婆散影月中孤惜無畫手追前輩

寫得涼峰總寂圖

御定佩文齋詠物詩選卷七十四

欽定四庫全書

御定佩文齋詠物詩選卷七十五

嶺類

五言古

奉使嵩山途經緱嶺

唐
宋之問

侵星發洛城城中歌吹聲
畢景至緱嶺嶺上烟霞生
草樹饒野意山川多古情
大隱德所薄歸來可退耕

早上五盤嶺

唐
岑參

平旦驅駟馬曠然出五盤江回兩崖闕日隱羣峰攢蒼翠烟景曙森沉雲樹寒松疎露孤驛花密藏回灘棧道谿雨滑畬田原草乾此行為知己不覺蜀道難

秋雲嶺

唐劉長卿

山色無定姿如烟復如黛孤峰夕陽後翠積秋天外雲起遙蔽虧江回頻向背不知今遠近到處猶相對

崢嶸嶺

唐孟郊

疏鑿順高下結構紅烟霞坐嘯郡齋肅玩奇石路斜古

樹浮綠氣高門結朱華始見崢嶸狀仰止逾可嘉

過分水嶺

孟郊

山壯馬力短路行石齒中十步九舉轡迴還失西東谿
水變為雨懸厓陰濛濛客衣飄搖秋葛花零落風白日
舍我去征途忽然窮

桑乾嶺

元稹

茲山西北來旋轉十二雷昔人望鄉處特立何崔嵬我
東坐絕頂雲漢森昭回出日騰金鉦積露流銀臺長空

不受暑雪花散皚皚
轡車引繩過屈曲
腸九迴微蹤媿
三至南望心低徊
長風馬耳迅何當
賦歸來

五言律

松山嶺

唐
宋之問

翼翼高旌轉鏘鏘
鳳輦飛塵消清蹕
路雲濕侍臣衣白
羽搖丹壑天營逼
翠微芳聲耀今古
四海警宸威

夜宿七盤嶺

唐
沈佺期

獨游千里外高卧七盤西
山月臨窗近天河入戶低
芳

春平仲綠清夜子規啼浮客空留聽衰城間曙雞

遊鳳林寺西嶺

唐 孟浩然

共喜年華好來遊水石間烟容開遠樹春色滿幽山壺
酒朋情洽琴歌野興閒莫愁歸路暝招月伴人還

玉山嶺上作

唐 皇甫曾

悠悠驅匹馬征路上連岡晚翠深雲竇寒苔淨石梁荻
花偏似雪楓葉不禁霜愁見前程遠空郊下夕陽

韶州送竇司直出嶺

唐 羅 鄴

江曲山如畫貪程亦駐舟果隨巖狖落槎帶水禽流客
散他鄉夜人歸故國秋樽前挂帆去風雨下西樓

過秦嶺

唐 孟 貫

古今傳此嶺高下勢崢嶸安得青山路化為平地行蒼
苔留虎跡碧樹障谿聲欲過一回首踟躕無限情

千秋嶺上

宋 晁補之

永日倦高躋盤回四望迷松根危抱石嶺路曲隨谿馬
腹飛雲薄山腰過雨低陰崖不可度誰此構長梯

過黃塘嶺

宋朱子

屈曲危塍轉沈陰山氣昏蟬聲高樹暗石瀨淺流喧已
過黃塘嶺欲覓桃花源無為此留滯驅馬踰山樊

登梅嶺

朱子

去路霜威勁歸程雪意深往還無幾日景物變千林曉
磴初移屐寒雲欲滿襟玉梅疎半落猶足慰幽尋

槍竿嶺

元貢奎

薄宦辭家遠經秋未得歸直隨山北去却背雁南飛川

靜白雲起郊平紅葉微憶曾留宿處立馬認還非

將干嶺

元貢師泰

絕頂低南斗重關壯北門隴雲浮地白谷水帶泥渾字
宙神功大山河帝業尊小臣叨載筆華髮感深恩

靈峰嶺

明樊阜

嶺路青林杪盤迴出白雲寺樓當塢見野碓隔谿聞屐
潤苔花積衣香藥草熏崖陰仙洞在遙見鹿成羣

七言律

度東山嶺

明程敏政

石橋駐馬問田翁一塢深深隔樹東
帝子閣前沙似粟
野神祠下路如弓
疎松古磴風微動
細草陰厓雪半融
回望紅塵纔數里
不知身在亂山中

五言絕句

登嶺望

唐許鼎

嶽嶽三江水悠悠五嶺關
雁飛猶不度人去若為還

七言絕句

嶺南路

唐朱慶餘

越嶺向南風景異
人人傳說到京城
經冬來往不踏雪
盡在刺桐花下行

大散嶺

唐羅鄴

過往長逢日色稀
雪花如掌撲行衣
嶺頭却望人來處
特地身疑是鳥飛

王千三嶺

元方回

澄練平臯水屈盤
蒼松櫟擁峰巒密
霜晴却落全如畫

一見都忘上嶺難

槍竿嶺

元貢奎

百折迴岡勢欲迷
舉頭山寺與雲齊
經行絕似江南路
落日青林杜宇啼

御定佩文齋詠物詩選卷七十五

欽定四庫全書

御定佩文齋詠物詩選卷七十六

巖類

五言古

安陸白兆山桃花巖寄劉侍御

唐李白

雲卧三十年好閒復愛仙蓬壺雖冥絕鸞鶴心悠然歸
來桃花巖得憩雲窗眠對巖人共語飲潭猿相連時昇

翠微上邈若羅浮巔兩岑抱東壑一嶂橫西天樹雜日
易隱崖傾月難圓芳草換野色飛蘿搖春烟入遠構石
室選幽開山田獨此林下意杳無區中緣永辭霜臺客
千載方來旋

宴坐巖

宋 劉子翬

青青枕樹林下蔭蒼蘚石幽人宴坐時懷抱忘其適不
見暮樵歸寒山雨中碧

七言古

朝陽巖下歌

唐元結

朝陽巖下湘水深
朝陽洞口寒泉清
零陵城郭夾湘岸
巖洞幽奇帶郡城
荒蕪自古人不見
零陵徒有先賢傳
水石為娛安可羨
長歌一曲留相勸

五言律

早春題少室東巖

唐白居易

二十六峰晴雪消
嵐翠生月留
三夜宿春引
四山行遠
草初含色寒禽未變聲
東巖最高石惟我有題名

桃巖憶賈島

唐顧非熊

路向桃巖去多行洞壑間
鶴聲兼野靜谿色帶邨閒
疎葦秋前渚斜陽雨後山
憐君不得見詩思最相關

化成巖

宋戴復古

城郭驚塵外江山勝概中
鏗然一灘水和以萬松風
爽徑森危石孤亭納太空
蒼巖不能語曾識贊皇公

章巖

宋朱子

豁爾天開宇呀然夜不扃
閒雲任棲宿密雨斷飄零
老

屋僧常住高軒客屢經古今題寫處一半薜紋青

次韻擇之章巖

朱子

驅馬倦長道投鞭憩此巖來應六鼃戴跡是五丁剡泉
脉流青澗林梢擁碧巉老禪深閉戶客子且征衫

登靈巖

明陳秀民

寶殿壓崔嵬華池頂上開山從太白出水自洞庭來閣
樹聯珠塔巖花照石臺吳王消暑地那得有塵埃

登拂水巖

明顧雲鵬

一杖入叢菁春泉處處生巖侵湖墅近崖豁海門平雲
逕分樵出風林帶鳥傾盤回千嶂盡下界一雞鳴

七言律

西巖

宋余靖

萬壑千巖閬物華
搢筇閒訪道生涯
一壇星斗修真館
數里雲霞刷藥家
魚戲竹谿寒影碎
路穿松塢翠陰斜
桃源自有神仙宅
未信明河八月槎

題將軍巖

宋劉子翬

昔年樓險人何在彷彿樓臺杳靄間事去長空飛鳥沒
時清宴坐一僧閒霜秋石壁黃金樹月夜雲濤碧玉灣
杖策時來訪竒絕漁樵幽興自相關

和人遊西巖

宋朱子

平生壯志浩無窮老寄寒泉亂石中間去披襟弄清泚
靜來合眼聽玲瓏不知澗寺晴時雨何似谿亭落葉風
吟罷君詩自瀟灑此心端不限西東

劉仙巖

元雅勒呼

削雲千丈倚蒼崖箭括通天一竅開
草樹陰森藏洞府烟霞縹緲護樓臺
白雲已向空中去黃鶴時聞月下來
欲向仙翁借筇杖凌高長嘯望蓬萊

五言絕句

竹巖

唐張籍

獨入千竿裏緣巖踏石層
筇頭齊欲出更不許人登

逍遙巖

元杜本

鵬搏九萬里離鷄飛只尺
所以達觀人亦各適其適

七言絕句

夏日登鶴巖

唐戴叔倫

天風吹我上層岡，露灑長松六月涼。
願借老僧雙白鶴，碧雲深處共翱翔。

奉和子服老弟黃楊游洲巖

宋朱子

聞道黃楊山上頭，千峰環抱石泉幽。
羨君拄杖年年去，飽看人間萬頃秋。

其二

游洲巖下水泠泠枕石何妨夢裏聽
要與他年成故事
謾尋幽處著新亭

雲巖

明
陶望齡

丹壑蒼崖處處鐘
夜深天畔有孤筇
寒燈一點松龕裏
照見雲間五老峰

御定佩文齋詠物詩選卷七十六

欽定四庫全書

御定佩文齋詠物詩選卷七十七

洞類

五言古

題韋少保靜恭宅藏書洞

唐
闕名

高意合天制自然狀無窮
仙華凝四時玉蘚生數峰
秘漆文字匣藏金蛟龍閉
為氣候肅開作雲雨濃洞
隱諒非久巖夢誠必通
將綴文士集貫就真珠叢

秦越人洞中詠

唐于鵠

扁鵲得仙處傳是西南峰年年山下人長見騎白龍洞
門黑無底日夜惟雷風清齋將入時戴星兼抱松石逕
陰且寒地響知遠鐘似行山林外聞葉履聲重低磴更
俯身漸遠晝夜同時時白蝙蝠飛入人衣中行久路轉
窄靜聞水淙淙但願逢一人自得朝天宮

碧落洞

宋蘇軾

槎牙亂峰合晃蕩絕壁橫遙知紫翠間古來仙釋并陽

崖射朝日高處連玉京陰谷叩白月夢中遊化城果然
石門開中有銀河傾幽龕入窈窕別戶列虛明泉流下
珠琲乳前交縵纓我行畏人知恐為仙者迎小語輒響
答空山自雷驚策杖歸去來治具煩方平

左史洞

宋 沈 遼

萬古齊山石誰為左史洞左史今何在蒼崖本不動履
險下重壑幽深鬼神總石門絕世路久為塵泥擁青天
十畝地嶺屹如覆甕琬琰鑿屋壁烟霞列梁棟崖間不

老藥必非近時種人去境長在境以人為重欲觀疇昔
意幽禽發清哢吾方寄淵寂無礙亦無縱手自剪荆榛
結茅當石空長與麋鹿遊不復人間夢

遊鼓山靈源洞

宋蔡襄

郡樓瞻東方嵐光瑩人目乘舟逐早潮十里登南麓雲
深翳前路樹暗迷幽谷朝雞亂木魚晏日明金屋靈泉
注石竇清吹出篁竹飛毫劃峭壁勢力忽驚觸捫蘿躋
上峯太空延眺矚孤青浮海山長白挂天瀑况逢肥遯

人性尚自幽獨西景復向城淹留未云足

白雲洞

元安熙

峩峩兩峰間崔嵬聳雙闕中有仙人洞恍若仇池穴朝
開白雲生暮掩白雲滅朝昏有奇變宛與人境隔我來
攀綠蘿深尋得幽絕平生棲遯志茲焉益超越未成長
往計復愧固窮節永懷靜修銘徘徊仰前哲會當結茅
屋來此寄疎拙沈思畢舊聞長歌抱明月白雲應更深
老眼益清徹未敢持贈人聊爾自怡悅

張公洞

明馬愈

懸崖瀉紅泉石洞挂鐘乳
仙房碧玉梯清涼了無暑
仙人洞口呼相隨看花去
欲往還自迷雲深不知處

水瀨洞

明王守仁

送遠憩岵谷濯纓俯清流
沿谿陟危石曲洞藏深幽
花靜馥常閤溜暗光亦浮
平生泉石好所遇成淹留
好鳥忽雙下儵魚亦羣游
坐久塵慮息澹然與道謀

七言古

無為洞口作

唐元結

無為洞口春水滿，無為洞傍春雲白。
愛此踟躕不能去，令人悔作衣冠客。
洞傍山僧皆學禪，無求無欲亦忘年。
欲問其心不能問，我到此中得無悶。

五言律

宿華陽洞寄元梅

唐李端

花洞晚陰陰，仙壇隔杏林。
漱泉春谷冷，擣藥夜窗深。
石上開山酒，松間對玉琴。
戴家谿北住，雪後去相尋。

張公洞

唐皇甫冉

雲開小有洞日出大羅天
三鳥隨王母雙童翊子先
何時種桃核幾度看桑田
倏忽烟霞裏穿巖騎更旋

潺湲洞

唐陸龜蒙

石淺洞門深潺湲萬古音
似吹雙羽管如奏落霞琴
倒穴漂龍沫穿松濺鶴襟
何人乘月弄應作上清吟

玉女洞

宋蘇軾

洞裏吹簫子終年守獨幽
石泉為曉鏡山月當簾鉤
歲

晚杉楓盡人歸霧雨愁
送迎應鄙陋誰寄楚臣謳

七言律

桃源洞

唐章碣

絕壁相歌是洞門
昔人從此入仙源
數株花下逢珠翠
半曲歌中老子孫
別後自疑園吏夢
歸來誰信釣翁言
山前空有無情水
猶繞當時碧樹邨

遊張公洞寄陶校書

唐方干

步步勢穿江底去
此中危滑轉身難
下蒸陰氣松蘿濕

外制溫風杖屨寒數里烟雲方覺興前程山水更應寬
由來委曲尋仙路不是先生換骨丹

陽明洞

元 韓 性

日日攜壺坐釣磯眼看門外軟紅飛已無遊騎尋芳草
却訪幽人入翠微石磴欲青春雨足酒壺初冷絮花稀
悠然自解登臨意十里香風一棹歸

七言絕句

桃源洞

唐 李羣玉

我到瞿真上昇處山川四望使人愁
紫雲白鶴去不返惟有桃花谿水流

題武陵洞

唐曹唐

此生終使此身閒不是春時且要還
寄語桃花與流水莫辭相送到人間

其二

却恐重來路不通殷勤回首謝春風
白雞黃犬不將去且寄桃花深洞中

其三

谿口回舟日已昏，却聽雞犬隔前邨。
殷勤重與秦人別，莫使桃花閉洞門。

其四

桃花夾岸香何之，花滿春山水去遲。
三宿武陵谿上月，始知人世有秦時。

題合谿乾洞

唐于鵠

渡水傍山尋絕壁，白雲飛處洞天開。
仙人來往行無跡。

石徑春風長綠苔

浮山洞

宋蘇軾

人言洞府是鼇宮
升降隨波與海通
共坐船中那得見
乾坤浮水水浮空

遊三游洞

蘇軾

凍雨霏霏半成雪
遊人屢冷蒼苔滑
不辭攜被巖底眠
洞口雲深夜無月

榴花洞

宋蔡襄

洞裏花開無定期落紅曾見逐泉飛
仙人應向東山口
管却春風不與歸

烟霞洞

元丘處機

山雲勃勃湧驚濤海水漫漫浸巨鼇
極目下觀千萬里
扶桑依約見蟠桃

其二

白石磷磷繞洞泉蒼松鬱鬱鎖寒烟
碧桃花發朱櫻秀
別是人間一洞天

其三

海曲山阿洞府低
蓬壺閬苑海東西
仙人玉女時遊集
不許桃源過客迷

小三洞

元于石

四山迴合響幽泉
古木蒼藤路屈盤
一局碁殘雙鶴去
石屏空倚白雲寒

其二

洞門相對是吾家
朝看烟雲暮看霞
鐵笛一聲山石裂

老松驚落半岩花

其三

斷崖怒湧四時雪
虛壁寒凝六月霜
倚樹老僧閒洗鉢
碧桃花落澗泉香

御定佩文齋詠物詩選卷七十七

欽定四庫全書

御定佩文齋詠物詩選卷七十八

谷類

五言古

秋曉行南谷經荒村

唐柳宗元

杪秋霜露重晨起行幽谷黃葉覆谿橋荒村惟古木
寒花疎寂歷幽泉微斷續機心久已忘何事驚麋鹿

李老谷

元納延

高秋遠行邁入谷雲氣暝稍稍微雨來漸覺衣裳冷
縠紆青崦窄杳篠烟林迴峰迴忽開豁夕陽散微影
霜葉落秋澗寒花媚秋巔路窮見土屋人烟雜墟井
平生愛山癖惓惓此愜幽靜月落聞子規懷歸心
耿耿

晦日稍次山谷

明林敏

清谿殊險豁石瀨何淙淙尋源竟莫測又復上幾重
行處衆壑盡望中天影空於焉倏含景水木相玲瓏
濕翠翳巾烏片雲起西峰忽忽洞深杳大圓變溟濛
飛湍逗

日月急雨隨蛟龍洗心投白鳥息見期青松願因紫霞
秘永諧鸞鶴蹤

五言律

愚公谷

唐王維

吾家愚谷裏此谷本來平雖則行無跡還能響應聲不
隨雲色暗只待日光明緣底名愚谷都由愚所成

春谷幽居

唐錢起

黃鳥鳴園柳新陽改舊陰春來此幽興宛是謝公心掃

徑蘭芳出添池山影深虛名隨振鷺安得久棲林

過吳兒谷

宋韓琦

曉入吳兒谷危途信不虛千峰疑絕路一逕甫容車
山鳥過雲語田夫半嶺鋤時平盡周道天險欲何如

庶先北谷

宋文同

路自西谿入園當北谷開月亭詩作客雨館睡為媒
摘果衣霑露尋泉屐漬苔間居正無事莫問我頻來

九里谷

金李俊民

九曲羊腸路千層劒戟山行鉤藤蔓刺坐印石花斑樹
發三春暮雲歸萬壑閒相陪林下屐雖倦不知還

五言排律

奉和聖製答張說扈從南出雀鼠谷

唐趙冬曦

軒轅應順物力牧正趨陪道合殷為礪時行楚有材省
方西禮設振旅北京迴地理分中壤天文照上台寒依
汾谷去春入晉郊來竊比康衢者長歌仰大哉

奉和聖製答張說扈從南出雀鼠谷

唐王丘

襟帶三秦接旂常萬乘過陽原淑氣早陰谷
沍寒多花縟前茅仗霜嚴後殿戈代雲開晉
嶺江雁入汾河北土分堯俗南風動舜歌一
聞天樂唱恭遂萬人和

奉和聖製答張說扈從南出雀鼠谷

唐崔翹

硤路繞河汾晴光掃曙氛
笳吟中嶺樹仗入半峰雲
頓

覺山原盡平看邑里分早行芳草遠晚憩好風薰嘉頌
推英宰春遊扈聖君共欣承睿渥日月照天文

奉和聖製同二相南出雀鼠谷

唐張九齡

設險諸侯地承平聖主巡東君朝二月南旆擁三辰寒
出重關盡年隨行漏新瑞雲叢捧日芳樹曲迎春舞詠
先馳道恩華及從臣汾川花鳥意併奉屬車塵

七言律

春谷

宋 朱子

武夷高處是蓬萊
采得靈根手自栽
地僻芳菲鎮長在
谷寒蜂蝶未全來
紅裳似欲留人醉
錦障何妨為客開
飲罷醒心何處所
遠山重疊翠成堆

五言絕句

雲谷

宋 朱子

閒雲無四時散漫
此山谷幸乏霖雨
姿何妨媚幽獨

七言絕句

宿青牛谷

唐楊衡

隨雲步入青牛谷，青牛道士留我宿。
可憐夜久月明中，惟有壇邊一林竹。

篋簩谷

宋文同

池通一谷波溶溶，竹夾兩岸烟濛濛。
尋幽直去景漸野，宛爾不似在塵中。

黃花谷

金元好問

團團石甕琢青瑤，仰面看雲覺動搖。
誰著天瓢灑飛雨，

半空翻轉玉龍腰

同劉勸農彦和葛縣令祐之遊蒼谷口

元王惲

四山遮盡外來風
山崦人家不覺冬
獨立蒼崖重回首
山形渾似入居庸

其二

方山忽斷兩崖開
中有蒼河自北來
行出山門俱不見
玉龍翻作地中雷

御定佩文齋詠物詩選

御定佩文齋詠物詩選

御定佩文齋詠物詩選卷七十八

欽定四庫全書

御定佩文齋詠物詩選卷七十九

島嶼類

五言古

登江中孤嶼

宋 謝靈運

江南倦歷覽江北曠周旋
懷新道轉迴尋異景不延亂
流趨正絕孤嶼媚中川
雲日相輝映空水共澄鮮
表靈物莫賞蘊真誰為傳
想像崑山姿綿邈區中緣
始信安

期術得盡養生年

登江中孤嶼贈白雲先生王迴

唐

孟浩然

悠悠清江水水落沙嶼出迴潭石下深綠篠岸傍密
人潛不見漁父歌自逸憶與君別時泛舟如昨日夕陽
開返照中坐興非一南望鹿門山歸來恨相失

五言律

詠島

唐

薛能

孤島如江上詩家猶閉門一池分倒影空舸繫荒根烟
濕高吟石雲生偶坐痕登臨有新句公退與誰論

竹嶼

元余闕

秋水鏡臺隍孤洲入水綠茫地如方丈好山接會稽長紫
蔓林中合紅蓮葉底香何人酒船裏似是賀知章

七言律

湄洲嶼

元張翥

飛舸鯨濤渡渺冥祠光壇上夜如星蛟龍筍簾懸金石

雲霧衣裳集殿庭萬里使軺遊冠絕千秋海甸仰英靈
乘槎欲借天風便彷彿神山一髮青

五言絕句

孤嶼

唐韓愈

朝遊孤嶼南暮戲孤嶼北所以孤嶼鳥與公盡相識

蓼嶼

宋文同

孤嶼蓼花深清波照寒影時有雙鷺鷥飛來作佳景

御定佩文齋詠物詩選卷七十九

欽定四庫全書

御定佩文齋詠物詩選卷八十

石類

五言古

詠孤石

梁朱超

侵霞去日近鎮水激流分對影疑雙闕孤生若斷雲過
風靜華浪騰煙起薄暝雖言近七嶺獨立不成羣

詠石

陳陰鏗

天漢支機罷仙嶺博棋餘零陵舊是燕昆池本學魚雲
移蓮勢出苔駁錦紋疏還當穀城下別自解兵書

詠孤石

陳
僧惠標

中原一孤石地理不知年根含彭澤浪頂入香爐煙崖
成二鳥翼峰作一芙蓉何時發東武今來鎮蠡川

詠孤石

陳
僧定法

迴石直生空平湖四望通巖根恒灑浪樹杪鎮搖風偃
流還清影侵霞更上紅獨拔羣峯外孤秀白雲中

奉和周趙王詠石

隋 崔仲方

玉繩隨月落金碑映日鮮
入江疑濯錦出峽似開蓮
文馬河西瑞兵符濟北篇
會逐靈槎上還歸天漢邊

賦得石

隋 虞茂

蜀門鬱遐阻燕碣遠參差
獨標千丈峻共起百重危
鏡峰含月魄蓋嶺逼雲枝
徒然抱貞介填海竟誰知

賦得臨階危石

隋 岑德潤

當階聳危石殊狀實難名
帶山疑似獸侵波或類鯨
雲

峯臨棟起蓮影入檐生楚人終不識徒自蘊連城

爛柯石

唐孟郊

仙界一日內人間千歲窮雙棋未徧局萬物皆為空樵客返歸路斧柯爛從風惟餘石橋在猶自凌丹虹

泰山石

唐李德裕

雞鳴日觀望遠與扶桑對滄海似鎔金衆山如點黛遙知碧峯首猶立煙嵐內此石依五松蒼蒼幾千載

疊石

李德裕

潺潺桂水端漱石出奇狀鱗次冠煙霞蟬聯疊波浪今
來碧梧下迥出秋潭上歲晚苔蘚滋懷賢益怡悵

枕流石

唐 費冠卿

不為幽岸隱古色涵空出願以清泚流鑒此堅貞質傍
臨玉光潤時瀉苔花密往往驚游鱗尚疑垂釣日

石版

唐 李咸用

高人好自然移得他山碧不磨如版平大巧非因力古
蘚小青錢塵中看野色冷倚砌花春靜伴疎篁直山僧

金方氏人三下
卷八十
若轉頭如逢舊相識

臨流石

宋朱子

偃蹇西澗濱
枵然似枯木
下有幽泉鳴
上有蒼苔綠
來往定行人
山空此遺躅

七言古 附長短句

題曲阿三昧王佛殿前孤石

唐劉長卿

孤石自何處
對之疑舊遊
氛氲岨首夕
蒼翠剌中秋
迴出羣峰當
殿前雪山靈
鷲慚貞堅
一片孤雲長
不去莓

苔古色空蒼然

望夫石

唐王建

望夫處江悠悠化為石不回頭
山頭日日風和雨行人歸來石應語

題祖山人池上怪石

唐張碧

寒姿數片奇突兀曾作秋江秋水骨
先生應是厭風雲著向江邊塞龍窟
我來池上傾酒尊半酣畫破青煙痕
參差翠縷擺不落筆頭驚怪粘秋雲
溶溶水墨有高價

邀得將來倚松下鋪却霜繒直道難掉首空歸不成畫

石版歌

唐李咸用

雲根劈裂雷斧痕龍泉切璞青皮皴直方挺質貞且真
當庭卓立凝頑神春雨流膏成玉文主人性靜看長新
明月夜來迴短影何如照冷太湖濱

雪浪石

宋蘇軾

太行西來萬馬屯勢與岱嶽爭雄尊飛狐上黨天下春
半掩落日先黃昏削成山東二百郡氣壓代北三家邨

千峯石卷轟牙帳虎崖鑿斷開土門竭來城下作飛石
一礮驚落天驕魂承平百年烽燧冷此物僵卧枯榆根
畫師爭摹雪浪勢天工不見雷斧痕離堆四面繞江水
坐無蜀士誰與論老翁兒戲作飛雨把酒坐看珠跳盆
此身自幻孰非夢故園山水聊心存

桐關大石

元方夢

蓋天蒼蒼非虛空高懸萬象驚愚蒙仙人朝罷玉帝側
戲拋黃土留遺踪何年墜此作砥柱千古屹立洪濤中

巨魚出沒深不測鱗縫草長蒲花茸淙淙細浪夜春擊
水石鞮鞢鏗金鐘我來載酒坐其上扁舟南下編青蓬
飲酣恍恍欲飛去如踞猛虎騎游龍夜深酒醒山月落
一曲短笛橫秋風

五言律

詠石

唐蘇味道

濟北甄神貺河西濯錦文聲應天池雨影觸岱宗雲燕
歸猶可候羊起自成羣何當握靈髓高枕絕囂氛

詠石

唐李嶠

宗子維城固將軍飲羽威巖花鏡裏發雲葉錦中飛入
宋星初隕過湘燕早歸倘因持補極寧復羨支機

太湖石

唐白居易

煙翠三秋色波濤萬古痕削成青玉片截斷碧雲根風
氣通巖穴苔文護洞門三峰具體小應是華山孫
興平縣野中得落星石移置縣齋

唐韓琬

的的墮芊芊蒼茫不記年幾逢疑虎將應逐犯牛仙擇
地依蘭畹題詩問錦箋何時成五色却上女媧天

三生石

唐僧修睦

聖迹誰會得每到亦徘徊一尚不可得三從何處來清
宵寒露滴白晝野雲隈應是表靈異凡情安可猜

次韻張希孟凝雲石

元袁桷

我愛凝雲好朝昏境不同金芽養靈谷鐵網起晴空月
色古今正潮平子午中點頭那有意吾欲問生公

其二

我愛凝雲好神清湛欲留岷峨千古雪泰華一天秋獨
鶴離羣皎層冰出澗幽無言有深抱山立正揚休

大石

明彭年

陽山青不斷陰壑路疑窮鰲竦凌松杪驂駢歷桂叢隔
雲分野綠穿月逗中空勝絕留孤賞疎鐘出梵宮

五言排律

奉和牛相公題姑蘇所寄太湖石見示兼寄李

蘇州

唐劉禹錫

震澤生奇石沉潜得地靈初辭水府出猶帶龍宮腥發
自江湖國來榮卿相庭從風夏雲勢上漢古查形拂拭
魚鱗見鏗鏘玉韻聆煙波含宿潤苔蘚助新青嵌穴猗
離貌纖鋟蟲篆銘孱顏傲林薄飛動向雷霆煩熱近還
散餘醒見便醒凡禽不敢宿浮瑤莫能停靜稱垂松蓋
鮮宜映鶴翎忘憂常目擊素尚與心冥眇小欺湘燕團
圓笑落星徒然想融結安可測年齡採取詢鄉老搜求

按舊經垂鈎入空隙隔浪動晶瑩有獲人爭賀歡謠衆
共聽一州驚閱寶千里遠揚舲覩物洛陽陌懷人吳御
亭寄言垂天翼早晚起滄溟

奉和思黯相公以李蘇州所寄太湖石奇狀絕
倫因題二十韻見示兼呈夢得

唐
白居易

錯落復崔巍蒼然玉一堆峰駢仙掌出罅折劒門開峭
頂高危矣蟠根下壯哉精神欺竹樹氣色壓亭臺隱起

嶙嶙狀疑成瑟瑟胚廉稜露鋒刃清越叩瓊瑰爰業形
時動嵬嵬勢欲摧奇應潜鬼魅靈合蓄風雷黛潤沾新
雨斑明點古苔未應棲鳥雀不肯染塵埃尖削琅玕筍
窪剗瑪瑙壘海神移碣石畫障簇天台在世為尤物于
人負逸才渡江一葦載入洛五丁推出處雖無意升沈
亦有媒拔從水府底置向相庭隈對稱吟詩句看宜把
酒杯終隨金礪用不學玉山頽疎傳心偏愛園公眼屢
迴共嗟無此分虛管太湖來

居易與夢得俱典姑蘇而不獲此石也

織女石

唐
童翰卿

一片昆明石千秋織女名
見人虛脈脈依水更盈盈
苔作輕衣色波為促杼
聲岸雲連鬢濕沙月對眉生
有臉蓮同笑無心鳥不驚
還如朝鏡裏形影兩分明

七言律

林間石

宋林逋

入夜跏趺多待月移時箕踞為看山苔生晚片應知靜
雲動秋根合見閒瘦鶴獨隨行藥後高僧相對試茶間

疎篁百本松千尺莫怪頻頻此住還

五言絕句

望夫石

唐
劉方平

佳人成古石蘚駁覆花黃猶有春山杏
枝枝似薄粧

盤石磴

唐
張籍

疊石盤空遠層層勢更危不知行幾匝
得到上頭時

遊西江泊芋蘿山下題西施石

唐
王軒

嶺上千峯秀江邊細草春
今逢浣紗石不見浣紗人

題羅浮石

唐李德裕

清景持芳菊涼天倚茂松
名山何必去此地有羣峰

題奇石

李德裕

蘊玉抱清暉閒庭日瀟灑
塊然天地間自是孤生者

題新定八松院小石

唐杜牧

雨滴珠璣碎苔生紫翠重
故關何日到且看小三峰

拜嶽石

宋趙抃

片石倚中天雲深鳥道間人多祝堯壽登此拜南山

山堂前庭有奇石數種其狀皆與物形相類在

此久矣自余始名而詩之

宋文同

鸚鵡石

靜立身微聳驚窺首略回何人將至此應自隴山來

柘枝石

紫蘚裝花帽紅藤纏臂幃被誰留斷拍長舞不教休

狻猊石

巨尾蟠深草，豐毛覆古苔。
雕欄臨綺席，長欲上香臺。

崑崙石

雨漬身如漆，苔侵面若藍。
問時都不語，應是憶扶南。

珊瑚石

海底初生處，扶疎苦未全。
幾時隨鐵網，流落漢江邊。

千人石

明高啟

池上無陀石，千人列坐曾。
如今趺夜月，唯有一山僧。

七言絕句

南侍御以石相贈助成水聲因以絕句謝之

唐
白居易

泉石磷磷聲似琴
閒眠靜聽洗塵心
莫輕兩片青苔石
一夜潺湲直萬金

西施石

唐
樓穎

西施昔日浣紗津
石上青苔思煞人
一去吳宮不復返
岸傍桃李為誰春

南園湖石

金
王子可

翠雀銜雲墮翠蕪砥峰倒影卧平湖飛花不到穿簾月
高倚晴天一劍孤



御定佩文齋詠物詩選卷八十

欽定四庫全書

集部

御定佩文齋詠物詩選卷八十一至八十三

詳校官侍郎_臣李封

主事銜_臣徐以坤覆勘

總校官檢討_臣何思鈞

校對官中書_臣王瓚

謄錄監生_臣唐涇

欽定四庫全書

御定佩文齋詠物詩選卷八十一

石壁類

五言古

明慶寺石壁

北周 王褒

夏水懸臺際秋泉帶雨餘石生銘字長山久谷神虛

涇縣石壁道中

元 貢師泰

萬山從西來中斷忽如劈攢峰阻重關兩崖立堅壁絕

壑噴飛流觸石勢逾激神龍宅其下白晝飛霹靂涉險
恐羸驂凌高快健翮須臾得仙館頗覺契幽寂入竹敞
涼軒掃花吹鐵笛坐久竟忘疲塵襟忽如滌翻思崎嶇
間使我心戚戚

天池石壁為鐵雅賦

元張雨

嘗讀枕中記華山閼中吳神泉發其巔青壁繚其隅春
風四山來羣綠互紛扶羽觴曲折行浮花與之俱採之
搯薜荔洗玉弄芙蓉聲叟頗好名石窪作魚湖鴻一志

草堂枕煙遂成圖而此滌煩礪閱世如檣蒲發興雲林
子盥手與我摹居然縮地法挈入壺公壺

七言古

赤壁泛舟

元周權

赤壁之山何峻嶒下有江水何清泠天空月出夜寥沈
玻璃萬頃涵秋冰為問黃州雪堂老遺官何如謫官好
酒酣携客夜拏舟憂患都將談笑了劃然長嘯來天風
神遊八極世慮空但見橫江秋露白錯落低垂斗柄紅

洞簫聲斷潛蛟舞月下清尊貯千古老瞞當日困周郎
十萬樓船鬪貔貅虎煙消水冷沈戈矛空餘野燐寒沙頭
江山牢落滿陳跡追憶往事懷風流勝遊到我知幾度
感昔視今猶旦暮乾坤何事老英雄衮衮長江自東去
七言絕句

赤壁

唐杜牧

折戟沈沙鐵未消自將磨洗認前朝東風不與周郎便
銅雀春深鎖二喬

赤壁

唐 胡曾

烈火西焚魏主旗，周郎開國虎爭時。
交兵不假揮長劍，已挫英雄百萬師。

赤壁

唐 孫元晏

會獵書來舉國驚，祇應周魯不教迎。
曹公一戰奔波後，赤壁功傳萬古名。

題泗濱南山石壁曰第一山

宋

米芾

京洛風沙千里還，船頭出汴翠屏間。
莫論衡霍撞星斗，

且是東風第一山

御定佩文齋詠物詩選卷八十一

欽定四庫全書

御定佩文齋詠物詩選卷八十二

假山類

五言古

奉和裴僕射相公假山

唐韓愈

公乎真愛山看山旦連夕猶嫌山在眼不得着脚力往
語山中人丐我澗側石有來應公須歸必載金帛當軒
乍輶羅隨勢忽開折有洞若神剌有巖類天劃終朝巖

洞間歌鼓宴賓戚孰謂衡霍奇近在王侯宅傅氏築已
卑礮谿釣何激逍遙功德下不與事相撫樂我盛朝時
于焉傲今昔

家園假山

金元德明

八尺飛來峯蒼然立於獨細看甲乙字疑是半泉族山
非一草石見石山亦足便恐東岫雲來我檐下宿今朝
鑿盆池明朝種松菊自笑住山人何時返巖谷

五言律

天寶初南曹小司寇舅於我太夫人堂下累土
為山一簣盈尺以代彼朽木承諸焚香瓷甌
甌甚安矣旁植慈竹蓋茲數峯嶽岑嬋娟宛
有塵外數致乃不知興之所至而作是詩

唐
杜甫

一簣功盈尺三峯意出羣望中疑在野幽處欲生雲慈
竹春陰覆香爐曉勢分維南將獻壽佳氣日氤氳

五言排律

奉和盧大夫新立假山

唐許渾

巖谷留心賞為山極自然孤峯空迸筍攢萼旋開蓮黛
色朱樓下雲形繡戶前砌塵凝積靄檐溜掛飛泉樹暗
湖中月花香洞裏天何如謝康樂海嶠獨題篇

七言律

奉和太常韋卿閣老左藏庫中假山之作

唐權德輿

春山仙掌百花開九棘腰金有上才忽向庭中摹峻極

如從洞裏見昭回小松已負千霄狀片石皆疑縮地來
都內今朝似方外仍傳麗句寄雲臺

寄題徐都官新居假山

宋梅堯臣

太湖萬穴古山骨共結峰嵐勢不孤苔逕三層平木末
河流一帶接牆隅已知谷口多花藥祇欠林間落狖鼯
誰侍巾幘此行樂里中遺老肯相呼

和人假山

宋蘇軾

上黨攬天碧玉環絕河千里抱商顏試觀煙雨三峰外

都在靈仙一掌間造物何如童子戲寫真聊發使君閒
何當挈取西征去畫作圓牀六曲山

五言絕句

詠小山

唐太宗

近谷交縈蕊遙峰對出蓮徑細無全磴松小未含煙

假山

宋王十朋

君有好山癖疊山亭院間不遮山外眼又得見真山

七言絕句

累土山

唐白居易

堆土漸高山意出終南移入戶庭間玉山藍水應惆悵
恐見新山忘舊山

西蜀淨衆寺七祖院小山

唐鄭谷

小巧功成雨薜斑軒車日日叩松關峨嵋咫尺無人去
却向僧窓看假山

過小院僧窓有假山絕妙作廬山勢書此

宋僧惠洪

廬阜歸心久未降
夢魂時復渡湓江
忽驚古寺秋庭上
翠甍煙巖對矮窓

御定佩文齋詠物詩選卷八十二